

「聲夢」歌手詹天文(Windy)一向受「髮線高」困擾，曾自爆16歲已想植髮，但家人以「未成年」為由阻止她。今年18歲的她早前獲母親贊助5位數做植髮療程，雖然要打多支麻醉針，過程痛苦，但她認為非常值得，因可重拾自信，被風吹起頭髮都可以抬高頭望人。

■詹天文承認植髮後重拾自信。



■詹天文與支譽儀雞啄唔斷零代溝。

薛家燕、范振鋒和思敏主持的新城節目前晚舉行「《開心大派對》愛·最美麗維港之夜2024」晚宴，筵開40席與聽眾補祝母親節，邀得李龍基、羅啟豪、支譽儀(Venus)、詹天文、張馳豪、潘靜文、林智樂等擔任表演嘉賓。

Windy透露已為自己的18歲生日送大禮，更圓了人生其中一個願望，就是做植髮療程：「之前我額頭好禿似貓耳，植髮中心話我嘅髮線高達9厘米！今次得到媽咪贊助5位數完成療程。雖然植髮過程好痛苦，要打好多支麻醉針好痛，但好值得，唔使再用成支髮際線粉，亦重拾自信，依家俾風吹起頭髮都可以抬高頭見人。」在旁的Venus也關注頭髮問題，不斷向Windy取經。問兩人可想合作主持節目？Venus笑言：「可以，18歲同38歲。但我成日要剪片，近視深咗50度。」

李龍基重振食慾

提到有傳Windy到海外升學，更有機會與姚焯菲(Chantel)報讀同一間大學，Windy說：「我哋有傾過，如果做到校友都幾得意，但佢同我揀嘅科目唔同，要讀4年。(暫停歌唱事業?)其實Chantel放假就返香港出新歌同做嘢，我都可以。雖然返學要兼顧事業會辛苦，但覺得喺外地升學可擴闊眼界。」

李龍基表示翌日要到南山為6月開騷作準備，不過是即日來回，因每天都要到懲教所探望未婚妻王青霞(Chris)：「Chris瘦咗，但我就肥番少少，因為好多嘢睇開咗，唔會好似之前食唔安、瞓唔樂。」並幽默稱有助Keep Fit，站在台上人也輕鬆。提到案件本月28日再度提堂，他認為應該會有答案，但不管結果如何，都會盡力幫助未婚妻。對於「何伯何太」事件成為全城熱話，記者笑指李龍基被搶風頭，他笑言：「非常之好！但我唔回答喇，始終係人哋嘅事。(介意被比較?)睇過有報道將我拉埋一齊講，冇所謂，一笑置之。」



■李龍基笑看人生，不介意被搶風頭。

譚輝智練氣備戰個唱 透明度高冇秘密

《中年好声音2》亞軍譚輝智將於本月26日在Star Hall舉行《Fight For You演唱會》，他笑言最大挑戰是平日最多唱幾首歌，但開騷就要連唱30首歌，雖然有做運動習慣，但現在亦要加緊練氣。問到會否在騷上分享不為人知的秘密？他笑言自己透明度高，大家都知道他生活平淡，但個唱主題是環繞自己的人生故事，都會談及愛情、家庭和事業等。他又笑言會「舞照跳」，現正跟排舞老師學跳舞：「我估會有另類嘅進步。」

問到會否邀請「中2生」擔任嘉賓？他笑言如果有話事權，一定邀請所有人上台，但實際情況要視乎公司安排和曲目流程，並稱已落實了一兩位嘉賓，不過要保持神秘，留待當晚揭曉。對於成為首位開個唱的「中2生」，



■譚輝智保持神秘，不肯公布演唱會嘉賓。

可覺自己好勁？他謙稱不會：「何況仲未開騷，可能觀眾睇完會覺得好渣，一切等做完後再諗。」

劉倩婷認演技麻麻

前港姐冠軍劉倩婷昨日出席企業獎勳禮，分享企業慈善的經驗。她透露卸任慧妍雅集執行委員會會長後，榮幸獲得十大傑出青年，現時專注自己創立的兩個慈善機構，幫助年輕人追夢。問到會否考慮幕前演出？她自認演技一般，不過現在經常為慈善出席講座，也算是幕前演出。

提到新一屆港姐即將舉行，她表示若有需要，樂意幫手宣傳。劉倩婷又稱已計劃一家人去歐洲和日本旅行：「係大女要求要去旅行，我本身就想留港消費，支持香港經濟。」



■劉倩婷計劃舉家外遊。

鄧小巧搵蝦頭學戲

昨日是「520」，鄧小巧特別推出虐心情歌《討好式戀愛》。她透露MV是一個有故事發展的劇情，故特意跟好友楊詩敏(蝦頭)上戲劇課，小巧說：「學下肢體點樣去入戲、分析角色，點樣喺個角色加啲前置，其實係一門學問，對我唱歌都好好有用。」MV中加入了很多小巧的生活日常，可算是為她度身訂造，她



■現實中小巧愛做陶瓷。

說：「譬如我哋的生活習慣係會煮嘢畀老公食，又會做陶瓷、打掃衛生，其實導演係根據我個人本身嘅質地，去做咗個角色嘅設定。」